

պանուժ էին արտակարգ քաջութեամբ. մէկը միւսի յետևից ընկնում էին լաւագոյն մարտիկները՝ Մուրատը, 16րդ գումարտակի հրամանատար Արամ Դովլաթեանը, հեծելագործի պետ Իսակը: Վիրաւորների թիւը շատ մեծ էր...

Օգոստ. 4-ին թիւրքերը սկսեցին կենտրոնացնել իրենց ուժերը, և Հ. Ազգ. Պորհուրդը ստացաւ Մուրսել փաշայի երկրորդ, այս անգամ սպառնական, նամակը՝ քաղաքը յանձնելու պահանջով: Նոյն օր Բագու հասաւ դնդ. Ստոկսը մի քանի տասնեակ անգլիացի զինւորներով և լուր բերեց, որ իր յետևից գալու են 5000 անգլիացիներ: Այս լուրը Բագուի պաշտպաններին նոր ոյժ ներշնչեց: Եւ կռիւը շարունակեց յուսահատ վճռականութեամբ:

Օգոստ. 4-ի դիւերը, թիւրքերը փորձեցին պատռել բազուկեցիների շղթան և օգոստ. 5-ի լուսաբացին արդէն դրաւել էին Բիրբի-Հէյրաթը: Նրանց թնդանօթների ուժերը ընկնում էի Բայրլով քաղաքամասում: Արիւնահեղ կռիւներ էին տեղի ունենում և միւս ճակատների վրա: Բագուեցիները լարում էին իրենց վերջին ճիգը: Հ. Յ. Դաշնակցութիւնը ճակատ ուղարկեց իր բոլոր ուժերը: Ռոստոմը շրջում էր դիւրքից դիւրք և քաջալերում կուռղներին: Հ. Ազգ. Պորհուրդը իր բոլոր անդամներով աշխատում էր առանց դադարի: Հրամանատարները անձնական քաջութեամբ թե էին տալիս մարտիկներին: Անգնահատելի ծառայութիւն էր մատուցանում և նաւերի հրետանին: Օրհասական վայրկեան էր. մա՛հ կամ ազատութիւն — ուրիշ ելք չկար:

Առաւօտեան ժամը 10-ին բազուկեցիների մի զօրամաս յաջողեց անցնել թշնամու թիկունքը. միաժամանակ հակայարձակում սկսեց և ճակատից ու թևերից: Թիւրքերը առնւեցին երկու կրակի մէջ և, 3 ժամ յետոյ, արդէն փախչում էին գլխակորոյս՝ թողնելով մօտ 1000 դիակ, 16 դնդացի և մեծ քանակութեամբ աւար: Շատ լուրջ էին և բազուկեցիների զոհերը. 14 սպայ և 415 զինւոր սպանած ու վիրաւոր: Սպանւեց և Համադասպի օգնականը՝ Սերգօն, Բագուի հերոսամարտի ամենափայլուն մարտիկներից մէկը: Մանր վիրաւորւածների մէջ էր Մարտին Շաթիրեանի որդին՝ ուսանող Ռուբէնը, որ թնդանօթածիգ էր և ուժերի պայթիւնից կորցրեց մէկ ոտքը, մէկ աչքը, ծնօտը, բայց և այնպէս փրկւեց և ապագայում շարունակեց ծառայել Հայաստանի բանակում:

Օգոստ. 5-ին, երբ թշնամին արդէն փախել էր, Բագու հասան և անգլիացիները, և մինչեւ օգոստ. 19 իրենց ուժերը հասցրին 2,700-ի, որոնցից 200-ը յետ դնաց, իսկ 150—200 հոգին կռիւներում սպանւեց կամ գերի ընկաւ: Անգլիացիների գալը առաջ բերեց խիստ դժգոհութիւն Բագուի մահմետական և, մասամբ, ուսւ ազգաբնակչութեան ու բոլշևիկների մէջ: Քաղաքում սկսեցին երեւալ ոռուներէն կոչեր ու թողնիկներ՝ «Կորչե՛ն հայերը», «մա՛հ հայերին», «կեցցէ՛ թիւրքիան և Ռուսաստանը» և այլ նշանաբաններով:

Օգոստ. 5-ի կռիւներից յետոյ, աւելի քան 3 շաբաթ, տիրեց խաղաղութիւն. թիւրքերը սպասում էին օգնական նոր ուժեր՝ պատրաստելով վճռական գործողութեան: Սկսեցին վերակազմել ու համախմբել իրենց